

Guangjisi Minzcu Bau

ganhhau: CN45-0036 B.2016 Nd.8 Ng.24 liggaeuq bingjsaen nienz ndwencaet ngeihngeih

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3238期

Sei Diuqfoux Ciengqgo Vehdat Boux- cuengh 《Byaraiz》 Youq Baekging Yienj

壮族岩画音乐舞蹈诗《花山》惊艳北京

Bonjbauq siusik (gicej Cinz Yajnz) 8 nyied 20 hauh banhaemh, sei diuqfoux ciengqgo vehdat Boux-cuengh 《Byaraiz》daiqbiuj Guengjsae camgya gaiq daihhaj saujsu minzcuz vwnzyi comzyienj haenx youq Baekging Baujli Heiqyienh yienjok. Guekgya Minzvej fucujyin Loz Lizmingz caeuq gyoengq bouxyawj soujduh daih'iek cien boux vunz itheij yawjngonz yienjok. Swcigih Minzvej cujyin Luz Yenbenj, Swcigih Vwnzvadingh dinghcangj Vangz Yij daengj bouxdaeuz buenx yawj.

《Byaraiz》 youq gyang sing fwengaeuq haprwenz hainduj. Fwj-haemh ciuq dwk raemx Dahcojgyangh sawdikdik ronghliklik, boux cangh-dwkbya Bouxcuengh ndeu vad ruz youz gyang dah, fwenbya haprwenz, sing hemqheuh ndeu daj gizgyae cien daeuj, hemq singj boux vunz henj-nding cien bi gaxgonq couh gaekveh youq bangxdar Byaraiz haenx, vunz-cuihgong caeuq vundaihneix caemh foux……aen nyenz, aen domq, ndaundeiq, goepgej, man daengj vwnzva fuzhau gig miz Bouxcuengh daegdingh yi yi haenx giujmiuq gyeobbaenz, yungzhaeuj gyang diuq-foux caeuq daegsaek ciengqgo, gig miz faihdauh minzcuz Bouxcuengh daeg-bied ronghsien. 《Fwengaeuq Loegvet》



《Laj Daengngoenz》《Gwnz Rongh-ndwen》《Gyang Ndaundeiq》《Gyang Byadah》《Fwenmoq Loegvet》fuk veh gyaundeix neix, baijyienj le cojcoeng Bouxcuengh youq gaiq diegnamh neix dajndaem dajciengx, sengsanj daih-laeng, ciengqyienj fwendanz sengmingh Bouxcuengh doxgyaez doxndiep, lwglan daihlaeng mbouj gat mbouj duenh. Yienjok sat le, yienhciengz bouxyawj cungj bek-fwngz haenhndei, haenh 《Byaraiz》 saenqdaenh, gyaundeix, dwg bouh heiqmoeg cei ndei saujsu minzcuz nanz ndaej raen, simsiengj giujmiuq, neihanz fungfouq, biujyienhlig ak he.

Sei diuqfoux ciengqgo vehdat Bouxcuengh 《Byaraiz》youz Guengj-

sae Yenji Cizdonz caeuq Guengjsae Gofoux Heiqyienh cauxsij yienjok haenx aeu liuh daj seiqgyaiq vwnzva yizcanj——Guengjsae Dahcojgyangh Vehdat Byaraiz, dwg daizheiq yisuz cozbij seiqgyaiq bouh daeuz aeu vehdat guh meizgai yienh'ok Boux-cuengh lixyouq hwngfat vwnzmingz cincwngz he. Dangguh cozbij maenhndei Swcigih Dangvej Senh-conzbu “baihnanz gyaundeix gojgaeq Guengjsae” baenzdaug cingbinj yisuz daizheiq, aen heiq neix iucingj le buek yisuzgyah ndaw guek okmingz he, comzgiat le Guengjsae bonjdieg boubien caeuq bouxyienj maenhndei, ginggvaq haujlai bi muzlien, hawj yisuz de engqgya cingzsug.

Lingzyinz: Gij Vunqsik Doxlwnz Ndaem Ien Ndaem Haeuxnaz Hawj Bouxguhnaz Laisou

凌云: 烟稻轮作的农业模式, 让农民捡到两袋黄金

Gaenh geij bi neix daeuj, Lingzyinz Yen gyahung canjnieb gezgou, youq gaiq naz ndeu sien ndaem ien, sou ien le caiq ndaem haeuxlaeng, haeuxlaeng sou le couh cuengq diegnamh youq ndwi roxnaeuz ndaem bwnhfoed. Cungj vunqsik neix youq Lingzyinz Yen Cauzlij Yauzcuz Yangh, Sahlij Yauzcuz Yangh daengj diegndaem-ien ndaejdaengz doigvangq caeuq saedhengz yungh. Doigvangq cungj vunqsik neix, mboujdanh doidoengh hwngfat diegbya ndaem ok mbawien, youq gaijgez le gij vwndiz haeuxgwn diegbya, gyalai bouxguhnaz sou-haeuj, dwg cungj vunqsik nungzyez swngheanj youqgaenj baujcwng ien haeux sueng fungsou ndeu.

Lingzyinz Yen doxlwnz ndaem ien haeuxnaz dwg cungj vunqsik moq ndeu, cungfaen fatok giindei dangdieg swhyenz diuzgienh, hab-

leix diuzcingj nungzyez canjnieb gezgou, youq gaiq naz ndeu sien ndaem ien, sou ien le caiq ndaem haeuxlaeng, haeuxlaeng sou le couh cuengq diegnamh youq ndwi roxnaeuz ndaem bwnhfoed. Cungj vunqsik neix youq Lingzyinz Yen Cauzlij Yauzcuz Yangh, Sahlij Yauzcuz Yangh daengj diegndaem-ien ndaejdaengz doigvangq caeuq saedhengz yungh. Doigvangq cungj vunqsik neix, mboujdanh doidoengh hwngfat diegbya ndaem ok mbawien, youq gaijgez le gij vwndiz haeuxgwn diegbya, gyalai bouxguhnaz sou-haeuj, dwg cungj vunqsik nungzyez swngheanj youqgaenj baujcwng ien haeux sueng fungsou ndeu.

Bineix aen yienh neix daengx yienh sou ndaej ienhawq 10000 lai rap, canjiz daih'iek 1200 lai fanh maenz, ranz ndaem ien bingz-yaenz laisou 65000 lai maenz. Seizneix daengx yienh ndaem iennaz 5400 lai moux, gaenq ndaem gyajhaeux sat lo, gujsuenq sou ndaej haeuxgok 325 fanh lai goenggaen, canjiz daih'iek 400 fanh lai maenz, moix ranz bingzyaenz laisou 25000 lai maenz. Daengx bi doxlwnz ndaem ien haeuxnaz moix ranz bingzyaenz laisou gungh 9 fanh lai maenz, hawj 180 lai ranzungzhaj 720 boux vunz vut gungz baenz-fouq.

(Yi Caiconz/郁再传)

SIUSIK DINJ 简 讯

● Ginhsiu Yauzcuz Swciyen Sanhgoz Yangh swnghdai vanzging daegbied habngamj ndaem faexcuk, ca mbouj geijlai laeng ranz naj ranz ranzranz hohhoh cungj ndaem miz faexcuk, aen yangh neix ndaem faexcuk mienhcik daengz 1.6 fanh moux, binaengz vunzlai dandan gai rangzhawq souhaeuj couh daengz 200 lai fanh maenz, hwngfat ndaem faexcuk mboujdan hawj vanzging gyaundeix, youh gyavaiq yamqdin vunzlai vut gungz baenzfouq.

(Cinz Haijyen)

● 8 nyied 14 hauh, Lungz-swng Gak Cuz Swciyen Lozgyangh Yangh Mbanjbaujcwng banh “cietciengzo” moix bi gvaq mbat haenx, beixnuengx Duncuz dangdieg doxcomz youq giz haenx, diuq gofoux yenzswnghdai, caez ciengq golax Duncuz, caez gangj saedceij gyaundeix. Gaenh geij bi neix daeuj, aen yienh neix doenggvaq banh gak cungj minzcuz conzdungj ngoenzciat angqhoh hozdung, haenqrengz vatcimh caeuq swncienz vwnzva saujsu minzcuz, dajcaux daegsaek lijyouz aenmbanj minzcuz, binaengz yinx ndaej haujlai bouxhek daeuj yawjngonz youzcet.

(Vuz Swngghbinh Mungz Cwngcangz)

● Geij bi neix daeuj, Cingsih Si gaemdawz seizndei cauxlaeb “aen yienh okmingz lijyouz daeg-saek Guengjsae”, baengh byaraemx doenghnaz swhyenz fung-fouq, haenqrengz dajcaux nungz-gyahloz youzcet, nungzyez swnghdai youqndwi yawjngonz youzcet, yungh “gihdi + hozcozse + nungzhoh” daengj fuengsik, youq Sinhcing, Vadung, Dunczdwz, Vujbingz daengj yanghcin laeb-baenz le 5000 lai moux nungzyez swnghdai youqndwi suenyawjngonz, bangcoh Cingsih lijyouzyez lienzdaemh riengjvaiq hwngfat.

(Cau Fuzboh Luz Lanz-hungz)

● 8 nyied 16 hauh, dwg lig-gaeuq caet nyied cibsei, Yungz-suij Myauzcuz Swciyen Duncdouz Cin Mbanjgyazdoj banh ciet nauh-bya conzdungj, vunzmbanj seiq yangh bet mbanj doxcomz youq Mbanjgyazdoj, ceng ciengj 1000 lai goenggaen byalix siengcwngh fukheiq haenx, angqhoh seiz fungsou yaek daeujdaengz haenx.

(Lungz Dauh)